

ՀԱՇՎԵՏՎՈՒԹՅՈՒՆ

Շվեյցարիայի Համադաշնություն (Ժնև) գործուղման արդյունքների մասին

1. Անունը, ազգանունը.

Նարեկ Մկրտչյան

2. Զբաղեցրած պաշտոնը.

ՀՀ աշխատանքի և սոցիալական հարցերի նախարար

3. Գործուղման վայրը և ժամկետները.

Շվեյցարիայի Համադաշնություն (Ժնև), հունիսի 5-ից 7-ը, 2023 թ.

4. Հրավիրող կողմը.

Աշխատանքի միջազգային կազմակերպություն (ԱՄԿ)

5. Գործուղման նպատակը.

Մասնակցություն Աշխատանքի միջազգային կազմակերպության Աշխատանքի միջազգային համաժողովի 111-րդ նստաշրջանին:

6. Քննարկված թեմաները.

Աշխատանքի միջազգային կազմակերպությունը յուրաքանչյուր տարի Ժնևում անցկացնում է տարեկան համաժողով, որին մասնակցում են ԱՄԿ 187 անդամ երկրների կառավարությունների և սոցիալական գործընկերների կազմակերպությունների ներկայացուցիչներ: Համաժողովի ընթացքում զուգահեռաբար իրենց աշխատանքներն են սկսում ԱՄԿ տարբեր հանձնաժողովներ, ընթանում են լիազույժար նիստեր, անցկացվում են թեմատիկ քննարկումներ: Հանձնաժողովներում, ի թիվս այլ հարցերի, քննարկվում են նաև ԱՄԿ անդամ պետությունների կողմից ստանձնած պարտավորությունների կատարմանն առնչվող հարցեր՝ վավերացված կոնվենցիաների շրջանակներում ազգային զեկույցների չներկայացման, կոնվենցիաների դրույթների լուրջ խախտումների հետ կապված:

Նստաշրջանի ընթացքում քննարկվել են ԱՄԿ տարբեր անդամ-պետություններում աշխատանքային իրավունքների պաշտպանությանը, սոցիալական արդարության զարգացման ապահովմանը, աշկերտության վերաբերյալ չափորոշիչների սահմանմանը, էկոլոգիապես կայուն տնտեսությունների և հասարակությունների անցման հնարավորություններին առնչվող մի շարք հարցեր:

7. Հանդիպումները, ելույթները, բարձրացված կամ քննարկված հարցերը.

Հայաստանի Հանրապետության պատվիրակությունը ղեկավարվել է ՀՀ աշխատանքի և սոցիալական հարցերի նախարար Նարեկ Մկրտչյանի կողմից: Պատվիրակության կազմում են եղել ՀՀ աշխատանքի և սոցիալական հարցերի նախարարի տեղակալ Ռուբեն Սարգսյանը և Հայաստանի արհմիությունների կոնֆեդերացիայի նախագահ Էլեն Մանասերյանը:

Ա.թ. հունիսի 6-ին ԱՄԿ համաժողովի 111-րդ նստաշրջանի լիազումար նիստի ընթացքում հանդես եմ եկել ելույթով: Ելույթում խոսելով աշխատանքի և զբաղվածության ոլորտում ՀՀ որդեգրած քաղաքականության և այս ուղղությամբ իրականացվող աշխատանքների մասին՝ նշել եմ, որ Հայաստանի Հանրապետությունը, հավատարիմ լինելով իր որդեգրած արժեքներին, շարունակում է անհրաժեշտ ջանքեր և ռեսուրսներ ներդնել՝ անհրաժեշտ բարեփոխումների իրականացման ուղղությամբ: Այս համատեքստում ընդգծել եմ ՀՀ զբաղվածության ռազմավարության մշակման, «Արժանապատիվ աշխատանք» ծրագրի իրականացման, «ՀՀ աշխատանքային օրենսգրքում փոփոխություններ և լրացումներ կատարելու մասին» օրենքի ու այլ ծրագրերի իրագործման կարևորությունը:

Միաժամանակ, ելույթի ընթացքում բարձր եմ գնահատել Աշխատանքի միջազգային կազմակերպության հետ Հայաստանի Հանրապետության համագործակցությունը և շեշտել, որ կազմակերպությունը եղել և շարունակում է մնալ Հայաստանի վստահելի գործընկերը հատկապես սոցիալական արդարության ամրապնդման, աշխատանքի անվտանգության և առողջության ապահովման, սոցիալական երկխոսության զարգացման գործում:

ԱՄԿ համաժողովի 111-րդ նստաշրջանին մասնակցության շրջանակներում հանդիպում եմ ունեցել Աշխատանքի միջազգային կազմակերպության (ԱՄԿ) գրասենյակի գլխավոր տնօրեն Գիլբերտ Հունգբոյի հետ: Քննարկվել են աշխատանքի և զբաղվածության ոլորտում համագործակցության ընթացքին ու նախատեսվող ծրագրերին առնչվող մի շարք հարցեր: Մասնավորապես՝ անդրադարձ է կատարվել ոլորտային առաջնահերթություններին, ՀՀ կողմից իրականացվող բարեփոխումներին, ինչպես նաև Հայաստանում աշխատանքային վեճերի կարգավորման արտադատական և գործազրկության ապահովագրության համակարգերի ներդրման հնարավորություններին: Հանդիպման ընթացքում քննարկվել են նաև ԱՄԿ ղեկավար կազմի մասնակցությամբ՝ Հայաստանում 2023 թ. նախատեսվող համաժողովի կազմակերպման մանրամասները, որը նպատակ ունի ուսումնասիրել գլոբալ, տարածաշրջանային և ազգային մակարդակներում աշխատանքի և զբաղվածության ոլորտում առկա մարտահրավերներն ու հնարավորությունները: Ընդգծվել է համաժողովի կարևորությունը, այն է՝ երիտասարդների համար արժանապատիվ, ներառական և կայուն

աշխատանքային հնարավորությունների ստեղծումը, սոցիալական արդարության երաշխավորումն ու ոլորտային վերջին միտումների ու նորարարությունների ներկայացումը: Դիտարկվել է նաև ԱՄԿ աջակցության հնարավորությունը՝ գործազրկության ապահովագրության, աշխատաշուկայի խթանման և ծերացման կանխարգելման քաղաքականությունների մշակման գործընթացներում, ինչպես նաև տարեցների ակտիվ ծերացմանն ու կանանց տնտեսական ակտիվացմանն ուղղված ծրագրերում:

Հանդիպում եմ ունեցել նաև Իրանի Իսլամական Հանրապետության կոոպերացիայի, աշխատանքի և սոցիալական բարեկեցության նախարար Սեյեդ Սոուլաթ Մորթազավիի հետ: Հանդիպման ընթացքում քննարկվել են աշխատանքի և սոցիալական պաշտպանության ոլորտում համագործակցության ընդլայնմանը, այդ թվում՝ փորձի փոխանակմանը, վերապատրաստումների իրականացմանը, ինչպես նաև նախատեսվող հուշագրերի կնքման ժամկետներին, գործողությունների պլանին առնչվող հարցեր: Երկուստեք ընդգծվել է ոլորտային մի շարք հարցերի շուրջ արդեն իսկ ձեռք բերված պայմանավորվածությունների կարևորությունը՝ Սեյեդ Սոուլաթ Մորթազավիի՝ փետրվարին Հայաստան կատարած այցի ընթացքում: Այս համատեքստում երկուստեք վերահաստատվել է պատրաստակամությունը՝ քննարկված հարցերի ուղղությամբ շարունակել իրականացնել անհրաժեշտ աշխատանքներ: Դիտարկվել է նաև հայկական կողմի՝ Թեհրան այցելության կազմակերպման հնարավորությունը՝ Իրանի Իսլամական Հանրապետության սոցիալական բարեկեցության կազմակերպության կենտրոնների աշխատանքին ծանոթանալու նպատակով:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Նստաշրջանի ընթացքում Հայաստանի Հանրապետության պատվիրակության մասնակցությամբ փաստաթղթեր չեն ստորագրվել:

Ստորագրությունը, ամսաթիվը՝



Հ Ա Շ Վ Ե Տ Վ ՈՒ Թ Յ ՈՒ Ն
ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը **ՀՀ աշխատանքի և սոցիալական հարցերի նախարարություն**

2. Գործուղման մասին իրավական ակտի համարը **ՀՀ վարչապետի 30.05.2023թ-ի 578-Ա որոշում**

3. Անունը, ազգանունը, զբաղեցրած պաշտոնը (մասնագիտությունը)

(թվարկել՝ պատվիրակություն գործուղելու դեպքում)

ՀՀ ԱՍՀՆ նախարար՝ Նարեկ Մկրտչյան

ՀՀ ԱՍՀՆ նախարարի տեղակալ՝ Ռուբեն Սարգսյան

ՀՀ արհմիությունների կոնֆեդերացիայի նախագահ՝ Էլեն Մանասերյան

4. Գործուղման վայրը-**Շվեյցարիա՝ Ժնև**

5. Գործուղման ժամկետները **05.06.2023թ-07.06.2023թ.**

6. Գործուղման ծախսերի ֆինանսավորման աղբյուրը՝

1) իրավիրող կողմի միջոցների հաշվին հատուցվող ծախսերը

(թվարկել՝ ճանապարհածախս, գիշերավարձ, օրապահիկ և այլն)

2) պետական բյուջեի միջոցների հաշվին հատուցվող ծախսերը

(ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)

(ընդգծել ծախսերի փոխհատուցման տարբերակը)

- **ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը**
- բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

Ծախսի տեսակը		<u>Մկրտչյան Նարեկ</u>	<u>Ռուբեն Սարգսյան</u>	<u>Էլեն Մանասերյան</u>	<u>Ընդամենը (հազ. դրամ)</u>
Ճանապարհածախս	Ավիաճառայության տեսակը (Էկոնոմ դաս, բիզնես դաս)	254,560	254,560	254,560	<u>763,680</u>
	Ավիատոմսի և ավիատոմսի ամրագրման արժեքը	12,728	12,728	12,728	<u>38,184</u>

	(դրամ)				
Գիշերավարձի հաշվարկ	Վճարը 1 օրվա համար (արտարժույթով)	179	179	179	-
	Վճարը 1 օրվա համար (դրամ)	41,512	41,512	41,512	-
	Օրերի քանակը	2	2	2	-
	Ընդամենը վճարվել է (դրամ)	<u>83,024</u>	<u>83,024</u>	<u>83,024</u>	<u>249,072</u>
Գիշերավարձի լրացուցիչ հաշվարկ	Վճարը 1 օրվա համար (արտարժույթով)	<u>179</u>	<u>179</u>	<u>179</u>	-
	Վճարը 1 օրվա համար (դրամ)	<u>0</u>	<u>27,650.5</u>	<u>27,650.5</u>	-
	Օրերի քանակը	<u>2</u>	<u>2</u>	<u>2</u>	-
	Ընդամենը հաշվարկվել է (դրամ)	<u>0</u>	<u>55301</u>	<u>55301</u>	<u>110,602</u>
Օրապահիկ	Վճարը 1 օրվա համար (դոլար)	141	141	141	-
	Վճարը 1 օրվա համար (դրամ)	54,499.32	54,499.32	54,499.32	-
	Օրերի քանակը	3	3	3	-
	Ընդամենը վճարվել է (դրամ)	<u>163,498</u>	<u>163,498</u>	<u>163,498</u>	<u>490,494</u>
Այլ ծախսեր	Հակահամաճարակային Նմուշառումների վճար	-	-	-	-
	Մուտքի արտոնագրի վճար	-	-	-	-
	Այլ ծախսեր Ավստրիայի դեսպանատուն դիմելու սպասարկման վճար	-	-	-	-
	Ռուզոսստրախ Արմենիա ապահովագրության վճար	-	-	-	-
Ընդամենը ծախսեր (հազ. դրամ)					<u>1,652,032.000</u>

***օրապահիկի և գիշերավարձի կանխավճարի հաշվարկի համար հիմք է ընդունվել ՀՀ կենտրոնական բանկի «31» «մայիսի» 2023 թվականի 1 դոլարին համարժեք 386.52 ՀՀ դրամի չափը**
***գիշերավարձի լրացուցիչ հաշվարկի համար հիմք է ընդունվել ՀՀ կենտրոնական բանկի «12» «մայիսի» 2023 թվականի 1 դոլարին համարժեք 386.18 ՀՀ դրամի չափը**

6/12/2023

X 

ՄՈՒՐԱԴՅԱՆ ՍԱՄՎԵԼ

ՓԼԽԱՎՈՐ ՖԻՆԱՆՍԻՍՏ

Signed by: MURADYAN SAMVEL 1104630109

Ս. ՄՈՒՐԱԴՅԱՆ

12.06.2023թ.